



TOSHKENT DAVLAT YURIDIK UNIVERSITETI REKTORINING B U Y R U G ' I

07.06.2022

131-tm-son

Dars mashg'ulotlariga qatnashishga ruxsat berish to'g'risida

O'zbekiston Respublikasi ta'lim muassasalariga o'qishga qabul qilish bo'yicha Davlat komissiyasi majlisining 2022-yil 22-apreldagi 13-son bayoni va O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizom, O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizomning 46-bandiga asosan hamda Oliy va o'rta maxsus ta'lim vazirligining 2022-yil 25-maydagi 87-03-371-XFU-son xatiga muvofiq

B U Y U R A M A N:

1. Ukraina Respublikasida faoliyat yuritayotgan oliy ta'lim tashkilotlaridan 2021/2022 o'quv yili bahorgi semestriga Toshkent davlat yuridik universiteti (keyingi o'rinlarda – TDYU) bakalavriat ta'lim yo'nalishiga o'qishi ko'chirilayotgan ilovada ro'yxati keltirilgan O'zbekiston Respublikasi fuqarolari (keyingi o'rinlarda – fuqarolar) 2022-yilning 6-iyunidan boshlab dars mashg'ulotlariga qo'yilsin.

2. Xalqaro huquq va qiyosiy huquqshunoslik fakulteti dekanati (D.Umarxanova): fuqarolarni alohida dars jadvali asosida dars mashg'ulotlariga jalb etish choralarini ko'rsin;

fuqarolar tomonidan belgilangan muddatda kontrakt to'lovlarini o'z vaqtida amalga oshirilishini nazorat qilsin.

3. O'quv-uslubiy boshqarma (S.Bozarov):

bir oy muddatda o'qishi ko'chirilishiga ruxsat berilgan fuqarolarning tahsil olgan oliy ta'lim muassasalariga ushbu fuqarolarning haqiqatda tahsil olganligi yoki olmaganligini aniqlash hamda haqiqatda tahsil olgan bo'lsa, ularning shaxsiy

yig'ma jildlarini yuborish bo'yicha so'rovnomalar yuborilishini tashkil etsin;

kontrakt to'lovlarini o'z vaqtida amalga oshirgan hamda shaxsiy yig'ma jildlarini taqdim qilgan fuqarolarni talabalar safiga qabul qilish bo'yicha buyruq loyihasini kiritsin.

4. Dars mashg'ulotlariga qo'yilayotgan fuqarolar tomonidan xorijiy oliy ta'lim muassasasidan chetlashtirilgunga qadar o'zlashtirilgan kreditlar miqdori TDYU tomonidan to'liq hajmda hisobga olinishi, agar ularning tegishli davrda o'zlashtirgan fanlari kreditlarda ifodalanmagan bo'lsa mazkur fanlar bir semester uchun 30 kredit hajmida belgilanishi ma'lumot uchun qabul qilinsin.

5. Mazkur buyruq ijrosining nazorati o'quv-ishlari bo'yicha prorektor – TDYU qoshidagi akademik litsey direktori I.Rustambekov zimmasiga yuklansin.

Rektor



A.TASHKULOV

Toshkent shahar

Kiritildi:

Boshqarma boshlig'i

S.BOZAROV



Kelishildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



O'quv ishlari bo'yicha prorektor -
TDYuU qoshidagi akademik litsey
direktori

I.RUSTAMBEKOV



Katta yuriskonsult

E.XOSILOV

